


# AKT THEMELUES



SHOQERISE TREGETARE PRIVATE "VELLEZERIT KOLA" SH.P.K.

Mbeshitetur në Ligjin Nr.7512 date 10.08.1991 "Per sanksionimin dhe mbrojtjen e pronës private; nismes së lire të veprimtarisë private dhe privatizimit", dhe të Ligjit Nr.7638 date 19.11.1992, "Per shoqëritë tregëtare",

1- **Nikoll Kola**, i biri i Gjonit, dtl. 15.05.1967, banues Lagja Nr.14, Shkozë, Durrës.

2- **Ndrec Kola**, i biri i Gjonit, dtl. 03.03.1969, banues Lagja Nr.14, Shkozë, Durrës.

krijojmë shoqëri tregëtare private me përgjegjësi të kufizuar **"VELLEZERIT KOLA"**, dhe me aktin themelues të saj si vijon:

## FORMIMI

### NENI 1

Formohet shoqëria tregëtare private e quajtur **"VELLEZERIT KOLA"** sh.p.k. Shoqëria do të nënshtrohet legjislacionit shqiptar, ndërsa deget që mund të krijohen do të nënshtrohen legjislacionit ku do të ketë seline dega. Shoqëria do të ushtrojë veprimtari të saj në bazë të këtij akti themelues dhe statutit të shoqërisë që do të miratohet nga ortaket themelues.

## SELIA E SHOQERISE

### NENI 2

Selia e shoqërisë tregëtare private **"VELLEZERIT KOLA"** sh.p.k. do të jetë: Lagja Nr.17, Rruga "Stef Kaçulini", Durrës.

## OBJEKTI I VEPRIMTARISE

### NENI 3

- Prodhim e tregëtim të materialeve të ndërtimit me shumicë e pakicë, import – eksport.

- Tregëtimit me shumicë e pakicë dhe import eksport të:

Makinërive e pajisjeve të ndryshme, mallra industriale, ushqimore, lende të para, pije, veshmbathje e konfeksione, hidro- sanitare, hidraulike, kanceleri për zyra e shkolla, orëndi shtëpiake, mobilje, pajisje elektrike e elektronike, kinkaleri, elektro - shtëpiake, pjesë këmbimi për automjete, produkte bujqësore e blegtorale, fruta perime, produkte të detit, bime medicinale eterovajore e mjeksore, produkte kozmetike dhe estetike, parfumeri, kimike dhe detergjente.

- Pike servisi automjeteve, Lavazh.

- Hoteleri - turizmit. Bar - Kafe - Restorant.
- Transport mallrash te ndryshme brenda e jashte vendit.

#### NENI 4

Per kryerjen e veprimtarise se saj shoqeria do te hape objekte prodhimi e njesi sherbimi dhe do te bashkepunoje me persona fizike dhe juridike, vendas dhe te huaj.

### KOHEZGJATJA E SHOQERISE

#### NENI 5

Kohezgjatja e shoqerise do te jete me nje afat te pacaktuar dhe mbi 10 vjet. Ajo mund te shperbehet ne çdo kohe dhe per çfaredo lloj shkakut.

### KAPITALI I SHOQERISE

#### NENI 6

Kapitali fillestar i shoqerise tregtare private “**VELLEZERIT KOLA**” sh.p.k. do te jete 100.000 leke, dhe do te perbehet nga kuotat e ortakeve themelues te shoqerise si vijon:

**Nikoll Kola**     ... .. 50 %

**Ndrec Kola**     ... .. 50 %

Kapitali fillestar mund te shtohet ose te pakesohet sipas vendimit te asamblese se ortakeve. Kuotat e pjesemarrjesve ne kapital jane te gjitha te emeruar dhe te pandashme. Kapitali eshte teresisht i shlyeshem dhe i nenshkrueshem.

#### NENI 7

Ortaket duhet te bejne perpjekje per rritjen e potencialit ekonomik te shoqerise, te ruajne sekretin e saj dhe te mos demtojne interesat e personave te tjere dhe te shoqerise.

### DREJTIMI I SHOQERISE

#### NENI 8

Shoqeria do te drejtohet nga administratori i saj, caktuar nga ortaket themelues te shoqerise, z.**Nikoll Kola**, i cili eshte edhe perfaqesuesi ligjor i saj.

#### NENI 9

Te ardhurat neto te shoqerise i takojne ortakeve themelues te shoqerise ne proporcion me kuotat e tyre ne kapitalin fillestar.

## NENI 10

Ortakët themelues kanë të drejtë të emerojnë edhe administratore të tjerë të vlerave materiale të shoqërisë. Ata kanë të drejtë të caktojnë financiar, likuidator për problemet e shoqërisë, si edhe të pajtojnë persona të tjerë si ortakë.

Financieri nxjerr rregullisht treguesit financiare tre-mujore, 6-mujore dhe vjetore, për aktivitetin e kryer të shoqërisë.

## NENI 11

Konfliktet që mund të lindin midis paleve do të gjykohen dhe zgjidhen në zbatim të legjislacionit shqiptar në gjykatën e shkallës së parë Durrës.

## NENI 12

Shoqëria ka vullnet të saj në madhësi të zakonshme, me tekstin për rrethin e saj.

## NENI 13

Shoqëria deklarohet e krijuar në zbatim të plotë të normave të statutit dhe në përputhje me legjislacionin shqiptar në fuqi dhe veçanërisht të Ligjit Nr.7638 datë 19.11.1992 "Mbi krijimin e shoqërive tregëtare".

## NENI 14

Ky akt themelimi do të hyjë në fuqi pas marrjes së lejes nga organet kompetente.

## NENI 15

Akti i themelimit, u përplua në disa kopje për t'iu shpërndarë organeve kompetente dhe një kopje do të mbetet në dokumentacionin bazë të shoqërisë tregëtare private "VELLEZERIT KOLA" sh.p.k.

Akti i themelimit nënshkruhet rregullisht nga ortakët themelues.

### ORTAKËT THEMELUES TË SHOQËRISË

"VELLEZERIT KOLA" sh.p.k.

Nikoll Kola



Ndrec Kola



# STATUT

## SHOQERISE ME PERGJEGJESI TE KUFIZUAR "VELLEZERIT KOLA"

Ne baze te ligjit Nr.7512 date 10.08.1991 "Per sanksionimin dhe mbrojtjen e prones private, nismes se lire te veprimtarise private dhe privatizimit" dhe te ligjit Nr.7638 date 19.11.1992, "Per shoqerite tregtare", me vullnetin tone te lire, te shprehur ne nenskrimin e Aktit Themelues:

- 1- **Nikoll Kola**, i biri i Gjonit, dtl. 15.05.1967, banues Lagja Nr.14, Shkozet, Durres.
- 2- **Ndrec Kola**, i biri i Gjonit, dtl. 03.03.1969, banues Lagja Nr.14, Shkozet, Durres.

Kavajes, P.160, shk.1/19,  
hartojme Statutin e shoqerise si me poshte:

### EMERTIMI, SELIA, KOHEZGJATJA, OBJEKTI

#### NENI 1

Shoqeria emertohet "**VELLEZERIT KOLA**" sh.p.k.

#### NENI 2

Selia e shoqerise tregtare private "**VELLEZERIT KOLA**" sh.p.k. do te jete:  
Lagja Nr.17, Rruga "Stef Kaçulini", Durres.

#### NENI 3

Kohezgjatja e shoqerise eshte me afat te pacaktuar, mbi 10 vjet. Shoqeria e fiton personalitetin e vet nga momenti i regjistrimit ne regjistrin tregetar, prane Gjykates se shkalles se pare Tirane.

#### NENI 4

Shoqeria do te zhvilloje veprimtarine e saj ne fushen e:

- Prodhim e tregetim te materialeve te ndertimit me shumice e pakice, import – eksport.
- Tregetimit me shumice e pakice dhe import eksport te:

Makinerive e paisjeve te ndryshme, mallra industriale, ushqimore, lende te para, pije, veshmbathje e konfeksione, hidro- sanitare, hidraulike, kanceleri per zyra e shkolla, orendi shtepiake, mobilje, paisje elektrike e elektronike, kinkaleri, elektro - shtepiake, pjese kembimi per automjete, produkte bujqesore e blegtorale, fruta perime, produkte te detit, bime medicinale eterovajore e mjeksore, prodhime kozmetike dhe estetike, parfumeri, kimike dhe detergjente.

- Pike servisi automjetesh, Lavazh.
- Hoteleri - turizmit. Bar - Kafe - Restorant.
- Transport mallrash te ndryshme brenda e jashte vendit.

## KAPITALI I SHOQERISE

### NENI 5

Kapitali fillestar i shoqerise tregtare private “**VELLEZERIT KOLA**” sh.p.k. do te jete 100.000 leke dhe do te perbehet nga kuotat e ortakeve themelues te shoqerise si vijon:

<b>Nikoll Kola</b>	.....	50 %
<b>Ndrec Kola</b>	.....	50 %

Kapitali fillestar mund te shtohet ose te pakesohet sipas vendimit te asamblese se ortakeve. Kuotat e pjesemarrsesve ne kapital jane te gjitha te emeruar dhe te pandashme. Kapitali eshte teresisht i shlyeshem dhe i nenshkrueshem. Çdo kuote i takon e drejta e nje vote.

### NENI 6

Ortaku qe ka ndermend te shese kuotat e tij, teresisht apo pjeserisht duhet me pare te njoftoje ortakun tjetër te shoqerise. Ortaku tjetër ka te drejten e blerjes se pare. Kete te drejte ortakut duhet ta ushtroje brenda 30 diteve nga dita e njoftimit.

Ne rastin e mos-ushtimit te se drejtes se blerjes se pare, ortakut qe do te shese kuotat duhet te njoftoje emrin e bleresit dhe kushtet, te cilat nuk duhet te jene me te favorshme se sa ato te ofruara ortakut tjetër te shoqerise.

### NENI 7

Kapitali i shoqerise perbehet nga kapitali fillestar, mjetet e xhiros, pasuri te lujtshme ose te pa lujtshme etj, te nevojeshme per ushtimin e aktivitetit te shoqerise.

### NENI 8

Kuotat e kapitalit fillestar jane te siguruara nga ortakët themelues te shoqerise dhe te regjistruara ne librin e llogarise te shoqerise.

### NENI 9

Shoqeria tregtare “**VELLEZERIT KOLA**” sh.p.k. eshte perdoruese dhe disponuese e pasurise se saj. Ajo mund te bleje dhe te shfrytezoje te drejta te tjera, materiale ose jo-materiale, duke perfshire edhe te drejten per shitjen e pasurise se vet tek te tjeret.

Ne Republiken e Shqiperise, Shoqeria tregtare “**VELLEZERIT KOLA**” sh.p.k. gezon te drejta, sikunder çdo person tjetër juridik, shqiptar ose i huaj, ne perputhje me legjislacionin ne fuqi.

#### NENI 10

Shoqeria tregetare “ **VELLEZERIT KOLA** ” sh.p.k. vepron ne regjimin e pronës private dhe merr persiper te drejta e detyrime vetem brenda kufirit te kapitalit te saj.

Ortakët themelues i shoqërisë mbartin rrezikun e veprimtarisë së shoqërisë, vetëm në nivelin e kuotave të kapitalit të investuar në të.

Shoqeria nuk përgjigjet për detyrimet që ortakët kanë patur para se ajo të krijohet.

#### NENI 11

Heqja dorë e ortakut nga bashkëpunimi nuk e çliron ortakun e larguar nga detyrimet që kanë lindur para se ai të largohet. Po kështu ai fiton edhe të drejtat që janë krijuar para largimit të tij.

#### NENI 12

Fitimet që realizohen gjatë veprimtarisë dhe që konkretizohen me nxjerrjen e bilanceve periodike, ndahen midis ortakëve, në proporcion me përqindjen e kapitalit të investuar, por kurdoherë pasi të jenë shlyer detyrimet ligjore.

Kapitali i investuar nga ortakët nuk mund të kalojë kuotat e përcaktuara në kapitalin fillestar. Rritja e kapitalit nga ortakët do të behet vetëm me vendim unanim të Asamblesë së ortakëve.

### DREJTIMI DHE ADMINISTRIMI I SHOQËRISË

#### NENI 13

Shoqeria do të drejtohet nga administratori i saj, caktuar nga ortakët themelues të shoqërisë, z . **Nikoll Kola**, i cili është edhe përfaqësuesi ligjor i saj.

#### NENI 14

Organet drejtuese të shoqërisë janë:

Asambleja e ortakëve.

Administratoret.

Komisioni i revizionimit.

Vendimet që mer Asambleja janë të detyrueshme për ortakët e shoqërisë.

Asambleja thirret sa herë që e shohin të arsyeshme ortakët themelues të shoqërisë, për detyrimisht në Dhjetor për të miratuar programin e veprimtarisë për vitin e ardhshëm dhe në mars për të miratuar bilancin kontabel të vitit të mëparshëm.

## NENI 15

Vendimet e Asamblese jane te vlefshme kur te jene pranuar unanimisht nga ortaket themelues te shoqerise.

## NENI 16

Hyjne brenda detyrave dhe kopetencave te Asamblese se ortakeve themelues si me poshte:

1. Ndryshimi i aktit te themelimit dhe i statutit te shoqerise.
2. Miratimi i buxhetit vjetor, i raporteve te administrimit, i inventareve dhe i bilancit e llogarise vjetore.
3. Zgjedhja e administratoreve jo-ortake dhe caktimi i detyrave dhe i kopetencave te tyre, me perjashtim te atyre qe shenohen ne statut.
4. Aprovimi i garancive qe ka shoqeria.
5. Miratimi i tarifave per sherbimet qe kryen shoqeria.
6. Pranimet ne pune dhe largimet nga puna.
7. Caktimi i formes se vules dalluese te shoqerise.
8. Kryerja e te gjitha veprimeve te administrimit te Shoqerise ne emer, per llogari dhe per interes te saj.

## NENI 17

Administratori jo ortak pervec detyrave qe i caktojne ortaket e shoqerise ka edhe keto detyra e te drejta:

1. Te mire-administroje pasurine e shoqerise.
2. Te beje marreveshje me te tretet brenda objektit te veprimtarise se shoqerise dhe kopetencave te caktuara nga ortaket themelues.
3. Te zbatoje rregulloren e brendeshme te shoqerise.
4. Te pergjigjet per demet qe i sjell Shoqerise nga veprimet e tij.
5. Te paguhet per punen qe kryen ne baze te marreveshjes te bere me ortaket themelues.
6. Te marre te dhena dhe te beje propozime per gjithçka qe e çmon si te dobishme per shoqerine.
7. Te kryeje te gjitha veprimet bankare qe kane te bejne me llogarine e shoqerise.

## TE DREJTAT DHE DETYRAT E SHOQERISE

## NENI 18

Shoqeria ka te drejte:

1. Te kryej veprimtari ne baze te interesave qe ka ne perputhje me objektin e veprimtarise

2. Te siguroje pasurine e vet.
3. Te marre kredi ne leke dhe ne valute nga bankat vendase dhe te huaja ne baze te rregullave ligjore.
4. Te perfijojte nga favorret qe i njeh legjislacioni shqiptar lidhur me tatimet dhe te tjera.
5. Te investojte kudo ne Shqiperi, nga te ardhurat qe realizon gjate ushtrimit te aktivitetit te saj.
6. Te punesojte punonjes te thjeshte ose te kualifikuar, vendas ose te huaj.
7. Te eksportoje lirisht valuten qe ka realizuar nga fitimet e saj.

#### NENI 19

Shoqeria ka per detyre:

1. Te siguroje kapitalin themeltar ne formen dhe kohen e duhur.
2. Te jape garanci per sherbimet qe kryen shoqeria.
3. Te siguroje punonjesit e saj.
4. Te plotesojte detyrimet fiskale dhe sociale qe ka ndaj shtetit, si edhe detyrimet kontraktuale ndaj cilitdo.
5. Te respektojte standartet si dhe te gjitha rregullat qe lidhen me veprimtarine e saj.

#### MARREDHENIET EKONOMIKO-FINANCIARE TE SHOQERISE

#### NENI 20

E gjithe veprimtaria e shoqerise per plotesimin e objektit te veprimtarise se saj, pasqyrohet ne bilancin ekonomik te saj.

#### NENI 21

Ne seline e shoqerise mbahet dokumentacioni financiar, ne baze te te cilit, brenda dates 31 Mars te çdo viti nxirret bilanci.

#### NENI 22

Viti financiar fillon me 1 Janar dhe mbaron me 31 Dhjetor.

#### NENI 23

Shoqeria mban xhiro-llogarite ne Banke. Llogarite mbahen ne leke dhe pasqyrohen ne librat perkatese.

#### NENI 24

Nga fitimet e realizuara gjate vitit financiar, shoqeria, pasi ben zbritjet e humbjeve te



vitit te meparshem, le menjane 5 % te fitimit, me te cilin krijohet fondi “Rezerve e domosdoshme”, deri sa ky fond te arrije ne masen 10 % te kapitalit themeltar.

#### NENI 25

Te ardhurat neto, pas veçimit te fondeve te permendura me siper dhe pagimit te detyrimeve fiskale, i mbesin ne perdorim ortakeve themelues te shoqerise. Fitimi i realizuar nga shoqeria do te ndahet ne mes te ortakeve te saj ne perputhje me kapitalet e investuara, por pa kaluar perqindjet e percaktuara ne kapitalin fillestar.

Konvertimi i parase te realizuar nga shitja do te behet sipas kushteve qe do te kete Banka e Shtetit shqiptar, ose Bankat e tjera private dhe transferimi i saj do te behet ne baze te ligjeve te Republikes se Shqiperise.

### DISPOZITA TE VEÇANTA

#### NENI 26

Shoqeria ka vulen e vet dalluese.

### SHNDRRIMI, SHPERBERJA DHE PRISHJA E SHOQERISE

#### NENI 27

Shndrrimi i shoqerise “ **VELLEZERIT KOLA** ” sh.p.k. ne shoqeri te tipeve te tjera, kolektive ose me drejtim te thjeshte, mund te behet me vendim te Asamblese se ortakeve.

#### NENI 28

Shperberja e shoqerise, mund te vije ne çdo kohe dhe per çfare do shkakut, si:

- Humbja e kapitalit te shoqerise,
- Pamundesi veprimi,
- Me vendim te asamblese se ortakeve

Ne keto raste, pronaret e shoqerise vendosin mbi menyren e likuidimit dhe caktojne nje ose me shume likuidatore duke iu percaktuar edhe detyrat.

Likuidatori eshte pergjegjes per ruajtjen e pasurise se shoqerise per derisa ajo t'u dorezohet personave perkates fizik e juridik, duke likuiduar ne rradhe te pare detyrimet ndaj personave te trete qe ka shoqeria. Ne rast se fondet disponibel, rezultojne te pamjaftueshme, per shlyerjen e detyrimeve te shoqerise, likuidatori mund t'i kerkoje ortakeve themelues te shoqerise qe te derdhin teresisht kuotat qe i takojne atyre.

DISPOZITA TE PERGJITHSHME

NENI 29

Persa nuk eshte shprehur plotesisht ne kete statut, referohen plotesimet qe do te behen nga ortaket themelues, si edhe ligjeve te veçanta te legjislacionit shqiptar. Ndryshimet e plotesimet e ketij statuti behen me menyren dhe proceduren me te cilen nxirret vete statuti.


NENI 30

Ky statut perpilohet ne disa kopje per t'iu shperndare organeve kompetente dhe nje kopje mbetet ne dokumentacionin baze te shoqerise tregtare private "VELLEZERIT KOLA" sh.p.k.

ORTAKET THEMELUES TE SHOQERISE

"VELLEZERIT KOLA" sh.p.k.

Nik Kola  


Ndrec Kola  


REPUBLIKA E SHQIPERISE

NOTERIA E TIRANES

Nr. 717 ...Rep

Nr. ....Kol

Tirane me 3/03/ 2004

VERTETIM

Sot me dt. 3/03/ 2004 u paraqiten para meje zz. **Nikoll Kola** dhe **Ndrec Kola** madhore, te panjohur prej meje, per identitetin e te cileve u njoha nga dokumentet identifikuese me Nr. 1562732 dhe Nr. Z 0828900 (pasaporta) , te cilet deklaruan se sa me siper eshte hartuar me vullnetin e tyre te lire dhe te plote dhe nenshkruhet pa verejtje ne pranine time dhe une e vertetoj sipas ligjit.



NOTERE  
N O T E R  
AFRODIT VELLEBER  
